

АЗБУКА ВЕРЫ



Молитвы против колдовства

Акафист святому апостолу Андрею Первозванному

Аудио:



Кондак 1

Первозва́ннаго апо́стола Христо́ва, Ева́нгелия Свята́го пропове́дника, Росси́йския страны́ богодухнове́ннаго просвети́теля, Андре́я пресла́внаго, пе́сньми восхва́лим, стоя́ще на версе́ холма́, иде́же Крест водрузи́ десни́ца его́, и ему́ я́ко Це́ркве возсле́дователю́ верхо́вному, в сле́д себе́ указа́вшему ей́ пу́ть ко Христу́, во умиле́нии воззове́м:

Ра́дуйся, Андре́е, апо́столе Христо́в Первозва́нный.

Икос 1

Ангел благове́стник А́гнца Христа́, вземлю́щаго грехи́ ми́ра, бы́л еси́ Андре́е апо́столе, и с Ни́м во ве́ки пребыва́еши на небеси́; отону́дуже и при́зри на пе́ния, приноси́мая тебе́ во хра́ме твоём, на ме́сте, иде́же стоя́сте но́зе твои́, и я́ко бога́т сый́ благода́тию Бо́жиею, пода́ждь на́м сло́во бла́го, да зове́м ти́:

Ра́дуйся, деннице от гра́да Вифса́йды на́м возсия́вшая;

ра́дуйся равноче́стный бра́те верхо́внаго Петра́.

Ра́дуйся, учени́че вели́каго Предте́чи Христо́ва;

ра́дуйся пе́рвее прóчих апо́стол зва́нный ко апо́стольскому служе́нию от Само́го Го́спода.

Ра́дуйся, я́ко и други́м с ра́достью воззва́л еси́: прииди́те, обрето́хом жела́емаго Мессию́;

ра́дуйся и на́с к Немú же приводя́й.

Ра́дуйся, Андре́е, апо́столе Христо́в Первозва́нный.

Конда́к 2

Учи́телю, гдé живёши? — вопро́сил еси́, Андре́е, Спа́са ду́ш на́ших и, с Ни́м пребы́в де́нь еди́н, возлю́бил еси́ на вся́ дни́ живото́а твоего́ обрётеннаго тобо́ю Мессию́, и бра́та твоего́ старейшаго привёл еси́ к Немú. Те́мже и на́с, я́ко ме́ньшую бра́тию твою́, к Немú же не преста́й влещи́, да и мы́, последую́ще стопа́м твои́м, вопие́м Бо́гу: Аллилу́иа.

Икос 2

Прови́дя в тебе́, святы́й Андре́е, ве́ры и любве́ пла́мень, Госпо́дь па́ки ты́ обрете́ на э́зере Геннисаре́тсте, я́ко ры́баря, купно́ с бра́том твои́м, вмета́юща мре́жи во глубину́, и рече́ ва́ма: гряди́та по Мне́, и Аз сотворю́ вы́ ловца́ челове́ком. — Ты́ же а́бие последовал еси́ Емú и богодухнове́нным сло́вом, я́ко мре́жею, челове́ки уловил еси́ Христу́, с ни́миже и мы́, уловле́ннии тобо́ю во спасе́ние, веща́ем ти́:

Ра́дуйся, я́ко от Само́го Го́спода лови́тве духо́вней научи́лся еси́;

ра́дуйся я́ко на то́м же э́зере с прóчими апо́столы́ обурева́емь бы́в, ве́рою спа́слся еси́ в Го́спода, запреща́ющаго ве́тром и мо́рю.

Ра́дуйся, стяжа́вый ве́лию ве́ру, егда́ ви́дел еси́ пречúдное насыще́ние пяти́ ты́сящ пятию́ хле́бами;

ра́дуйся да́р прия́вый от Го́спода цели́ти вся́к недúг и вся́ку боле́знь.

Ра́дуйся, я́ко гла́с с небесе́ слы́шан бы́сть э́ллином, Христа́ тобо́ю узре́вшим;

ра́дуйся я́ко на горе́ Елео́нстей открове́на бы́ша и тебе́ грядúщая при кончи́не ми́ра.

Ра́дуйся, Андре́е, апо́столе Христо́в Первозва́нный.

Конда́к 3

Стра́нствия Влады́чня и Безсме́ртныя Трапе́зы на го́рном ме́сте Сио́на наслади́вся, я́ко ве́рный дру́г Христо́в, вку́пе с прóчими апо́столы́ узре́л еси́ Го́спода и Бо́га твоего́, от Него́же и Ду́х Свят прия́л еси́, во е́же вяза́ти и реши́ти грехи́ людски́я. И па́ки, в то́йжде го́рнице Сио́нстей, оби́льное бы́сть на ты́ изли́яние обетова́ннаго Ду́ха во о́гненных язы́цах. Те́мже вся́ племена́ удиви́шася, ка́ко язы́ком их глаго́лал еси́ вели́чия Бо́жия, поя́: Аллилу́иа.

Икос 3

От Господа заповедь приим проповедати Евангелие всей твари, обтекл еси многия грады и страны, апостоле Андрее, призывая люди к познанию Истиннаго Бога и крестя их во имя Отца и Сына и Святаго Духа; с нимиже и мы сподобихомся благодати крещения. Сего ради благодарственная восписуем ти:

Радуйся, чудес Христовых провозвестниче верный;

радуйся святаго Евангелия проповедниче громогласный.

Радуйся, идольскаго служения потребителю;

радуйся истиннаго благочестия насадителю.

Радуйся, яко по слову твоему людие водою и Духом возрождаются;

радуйся яко тобою вернии Безсмертныя Трапезы причащаются.

Радуйся, Андрее, апостоле Христов Первозванный.

Кондак 4

Сила Божия осени тя, апостоле Первозванный, во еже благовестити силу и славу Сына Божия и утверждати вся веровати во Святую Троицу призванный. Темже убо и нас, поклоняющихся Единому в Трех Ипостасех Богу, на злачней пажити веры Христовы соблюди, да благодатию Святаго Духа выну освящаемии, велегласно поем Ему: Аллилуиа.

Икос 4

Привед ко Христу брата твоего Симона Петра, Первозванне, с ним изшел еси и на апостольское служение твое, перее во Антиохию и Синоп, и тамо победив демонов полки, от уз темничных спутника твоего апостола Матфия свободил еси, и юзники с ним бывшия крестил, верховному Петру оттуду в западныя страны текущу, ты братнее целование дал еси ему, сам же добре подвизался еси на востоцех. Темже и мы, людие Церкви Восточныя, блажим тя:

Радуйся, сило Божия, полки демонов прогоняющая и узы темниц сокрушающая;

радуйся приятелище благодати апостольския, от адовых уз тайнодейственне нас свободяющая.

Радуйся, запад и восток с братом твоим богомудрым, проповеди ради слова Божия, жребием делимый;

радуйся во граде Синопе неверие иудеев силою чудес твоих обличивый.

Радуйся, яко тамо от безбожных Христа ради биен был еси;

радуйся яко от Самого являшагося ти Господа исцеление язв тебе даровася.

Радуйся, Андрее, апостоле Христов Первозванный.

Кондак 5

Двукрѣты возвращаея во Святыи Град, да купно со апостола пятидесятный день празднуеши тамо, двукрѣты паки шествовал еси от святаго Сиона, во еже Христа проповедати вселенней, прѣвее со Иоанном наперсником Господним, посем же с Симоном Кананитом и Матфием, иже жребием назнаменован бысть во апостола, и вся предѣлы Асии и Понта обтекл еси, словом спасения всех оглашая, да Богу поют: Аллилуиа.

Икос 5

От моря Галилейскаго до Понта Евксинскаго апостольския мрежи твоя распрострѣй и все поморие окрест огласивый благовѣстием твоим, востекл еси, Первозванне, и в страны Скифии, Крест Христов всюду водружая в знамение нашего спасения. Сего ради и мы, аще и позднии роди, внемлюще благовѣстию твоему и воспоминающе подвиги твоя, зовем ти:

Радуйся, в Никеи лютыя разбойники укротивый и лютейшаго дракона умертвивый;

радуйся Крест Христов посреде града сего водрузивый, яко Предтеча сый двукрѣты собранных тамо отец богоносных.

Радуйся, яко во Асии и Понте тобою свет Христов возсия;

радуйся яко апостольский жезл твой предгорие Кавкаса свету Христову отвѣрзе.

Радуйся, имже мрак Киммерийский озарися;

радуйся имже вселенная струями воды живы напоися.

Радуйся, Андрее, апостоле Христов Первозванный.

Кондак 6

Бурею страстей одержимая и, яко воды океана, волнуемая, племена человек, яже не ведяху Бога Истиннаго, привел еси, апостоле, к тихому пристанищу Христову и тех сердца, аки утлую ладью неверием обуреваемая, на якори веры Православныя утвердил еси. Темже и мы, яко чада Православныя веры, благодарным сердцем и благодарными усты вопием Богу: Аллилуиа.

Икос 6

На горе Елеонстей Божественнаго Учителя твоего иногда со прочими апостола вопросил еси, Андрее: Рцы нам, что есть знамение пришествия Твоего? — На горах же Киевских, яко орган сый благодати Духа Святаго, ты предвозвестил еси грядущую славу места сего; мы же, предреченныя нам милости сея сподобльшися, умиленно зываем ти:

Радуйся, яко с горы Сиона закон нам евангельский принесл еси;

радуйся яко по водам Ворисфена апостол Божий к нам востекл еси.

Радуйся, благодать Иорданову, крещения нашего ради, реце сей даровавый;

радуйся на горах Киевских Крест нашего спасения водрузивый.

Радуйся, имже обильное изливание благодати Божией zde предречется;

ра́дуйся ѿмже бытіе гра́да вели́ка и церквѣй мно́гих здѣ предвозвесті́ся.

Ра́дуйся, Андре́е, апо́столе Христо́в Первозва́нный.

Конда́к 7

Дне́сь, во исполне́ние проро́ческаго гла́са твоего́, хра́м пресла́вный красу́ется на ме́сте, иде́же не су́щая я́ко су́щая прови́дел еси́ по да́ру Ду́ха Свята́го; о́крест же егó градъ ве́лий с це́рквами златове́рхими и́стину словес твои́х свидѣ́тельствуе́т, ему́же и доны́не ты́, я́ко с го́рняя кафе́дры, ми́р благовесту́еши. Те́мже и мы́, сбыві́е богодухнове́нных глаго́л твои́х зря́ще, ве́лиим гла́сом зыва́ем Бо́гу: Аллилу́иа.

Икос 7

От светоно́сныя за́ри, Первозва́ннаго апо́стола, све́т боговѣ́дения воспри́мши, свята́я Ольга возсия́ Росси́стей земли́ я́ко денница́ на́шего спасе́ния, возводя́ вслѣ́д себѣ́, я́ко светоза́рное свети́ло, вну́ка свое́го Влади́мира, просвети́теля все́я полу́ночныя страны́. Те́мже и мы́, возведше́ о́чи на́ша к тебѣ́, Андре́е богому́дре, я́ко к нача́льному благовѣ́стнику на́шего спасе́ния, воспису́ем ти́ похва́льная сия́:

Ра́дуйся, я́ко деннице́ на́шего спасе́ния, Ользе́ святѣ́й, све́та Божѣ́ственнаго позна́ние дарова́ся;
ра́дуйся я́ко благове́рию ея́ Христо́во Ца́рствие отве́рзеса.

Ра́дуйся, я́ко благослове́нием твои́м пресла́вное свети́ло от сея́ денницы́ на́м произы́де;

ра́дуйся я́ко по твоему́ предвозвѣ́стию апо́стольскому́ равноапо́стольный кня́зь на́м яви́ся.

Ра́дуйся, я́ко тобою́ свята́го Влади́мира ца́рствие земно́е к небе́сному приобщи́ся;

ра́дуйся я́ко Дне́пр и Поча́йна, ре́ки Кие́вския, спаси́тельною купѣ́лию на́м бы́ша.

Ра́дуйся, Андре́е, апо́столе Христо́в Первозва́нный.

Конда́к 8

Пропове́дуют пресла́внаго гра́да Кие́ва и все́я Росси́йския страны́ па́стырие и пасо́мии па́мьятъ дея́ний твои́х, богому́дре Андре́е апо́столе; в не́драх же пеще́рных нетле́нно почива́ющихи угодни́цы Бо́жии, со Анто́нием и Феодо́сием, немол́чными усты́, я́ко жи́ви су́ще, сла́ву твою́ ве́ком и родо́м возглаша́ют, тобою́ бо водруже́нный здѣ́ Кре́ст, я́ко благосенноли́ственное дре́во, произрасте́, во е́же изнести́ на́м плоды́ благоче́стия и святы́ни. Мы́ же райскаго вертогра́да твоего́, а́ки птенцы́ духо́внии, тобою́ науче́ни есмы́ воспева́ти Бо́гу: Аллилу́иа.

Икос 8

Не то́чию Руси́ еди́ныя бы́л еси́ спасе́ния провозвѣ́стник, Первозва́нный апо́столе Христо́в, но и вся́ словѣ́нская племена́, я́коже ко́кош, птенцы́ своя́ под криле́ собира́яй, привѣ́л еси́ я́ ко Христу́; ты́ бо от Херсо́ниса во мра́к полу́ночныя страны́ прозира́я, су́щим та́мо лю́дем, да Бо́жию науча́тся сло́ву, премудры́я учи́тели, Кири́лла и Мефо́дия, про́поведию твое́ю за мно́гия ве́ки предугото́вал еси́; мы́ же, а́ки уста́ми сихъ просвети́телей на́ших, велегла́сно вопие́м ти́:

Ра́дуйся, словѣ́нская племена́ искони́ благослови́вый;

ра́дуйся сло́во ихъ разу́мное сло́вом Бо́жиим умудри́вый.

Ра́дуйся, яко глаго́лу Бóжию послушли́вию, Цёркве ча́да словéсная бы́ша;

ра́дуйся яко в Херсо́нисе, иде́же проповéдал еси́, пёрвая ру́сская пи́смена Кири́лл святы́й
обрéте и прия́т я́.

Ра́дуйся, яко те́ми Алфу и Омéгу, Нача́ток и Конéц — Христа́ Бóжию премúдрость возвестил еси́
и́м;

ра́дуйся яко и вся́ богодухнове́нная писа́ния учи́телие сии́ на язы́к словéнск на́м преложи́ша.

Ра́дуйся, Андре́е, апо́столе Христо́в Первозва́нный.

Конда́к 9

Пусты́нныя Ски́фии не убо́явся, во глубинú полу́нощныя страны́ простёрл еси́ апо́стольская
странствия́ твоя́, Первозва́нне, отону́дуже и в вéтхий Ри́м пришёл еси́, и́же тогда́ глава́ ми́ру
язы́ческому бы́сть; о́баче тмы́ ра́ди и́дольския оста́вь егó, и на кра́сный брёг Воспо́ра пришéд,
та́мо во гра́де Византи́и, и́же но́вый Ри́м и ма́терь христиа́ном бы́сть, апо́стольский престóл
тво́й утверди́л еси́, да от негó восто́к и се́вер вéсь свéтом ве́ры озари́тся, ве́рнии же ча́да
Цёркве Христо́вы Бо́гу единомы́сленно воззову́т: Аллилу́иа.

Икос 9

Ма́ти Сио́н, — псалóмски рече́т человек, яко человек духо́вно роди́ся в нём, но́вый же Сио́н на́м
бы́сть Кие́в: в нём бо свéт и благода́ть Бóжия яви́ся все́м сыно́вом росси́йстим от кафе́дры, ю́же
ты́, Первозва́нне апо́столе, в Византи́и утверди́л еси́. Те́мже и мы́, Невече́рним Свéтом
озаря́емии, благодарне́ взыва́ем ти́:

Ра́дуйся, от горы́ Сио́нския́ снизше́дый и го́рним свéтом Кие́в многохо́лмный озари́вый;

ра́дуйся гра́ду сему́ многопло́дие духо́вное благослове́нием твои́м, низпосла́вый.

Ра́дуйся, яко посреде́ вселе́нныя апо́стольский престóл тво́й утверди́л еси́;

ра́дуйся яко под сень егó, в но́вом Ри́ме, вся́ просвеще́нныя тобо́ю язы́ки собра́л еси́.

Ра́дуйся, и́мже Правосла́вие в душа́х их утвержда́ется;

ра́дуйся и́мже от восто́ка тма́ за́пада отрева́ется.

Ра́дуйся, Андре́е, апо́столе Христо́в Первозва́нный.

Конда́к 10

Егда́ настá вре́мя преставле́ния твоегó, блаже́нне апо́столе, в дрéвния Па́тры Аха́йския́ пришёл
еси́, да та́мо жрén бу́деши, тече́ние бо сконча́л еси́, по́двигом до́брым подвиза́лся еси́, все́м
проповéдав Христа́ ра́спята, иудее́м собла́зн, елли́ном же безу́мие, на́м же, зва́нным и
спаса́емым, — Христа́, Бóжию Си́лу и Бóжию Премúдрость, от Нея́же и научи́хомся пе́ти Бо́гу:
Аллилу́иа.

Икос 10

Всю́ду и́менем Го́спода Иису́са боля́щия исцеля́я, ме́ртвыя воскреша́я, бе́сы изгоня́я, и во
Па́трах предсме́ртную про́поведь твою́ чудеса́ми утверди́л еси́, апо́столе Христо́в, и анфи́пата

Лезвия обрати́л еси́ к познанию́ истины, егда́ противления́ ради́ язвою пораже́н б́ыв, тобою́ от одра́ болѣзни воздви́жен бы́сть, лю́дие же вси́, ви́девши в тебе́ си́лу Божью́, идо́лы своя́ сокруши́ша, посѣм и Господь яви́ся тебе́, я́коже Па́влу ино́гда в Коринфе, и повеле́ взяти́ крѣст тво́й, назна́меновав симъ твоѣ в Па́трах, Его́ ради́, страда́ние. Те́мже и мы́, дивя́щися ве́лией благода́ти в тебе́, благоговѣ́нно взыва́ем:

Ра́дуйся, ве́лия Бо́га всемогúщаго си́ло;

ра́дуйся многоце́нное чуде́с сокрови́ще.

Ра́дуйся, дре́вних Па́тр просвеще́ние и украше́ние;

ра́дуйся невре́рие анфи́пата в ве́ру пременя́вый.

Ра́дуйся, я́ко та́мо па́ки яви́ся тебе́ Господь, на по́двиг крѣстный ты́ призва́вый;

ра́дуйся я́ко угото́вася тебе́ вене́ц пра́вды.

Ра́дуйся, Андре́е, апо́столе Христо́в Первозва́нный.

Конда́к 11

Неро́н ке́сарь, я́коже ино́гда Ирод, гоне́ние на вся́ ве́рныя воздви́гнувый, в Ри́ме Па́вла мечѣм усѣкну, Петро́ же на крестѣ́ распя́, подобне́ и тебе́ дости́же в Па́трах рука́ мучи́телева, егда́ вме́сто кро́ткаго Лезвия́ судию́ поста́ви Еге́ата лю́таго, и́же не терпя́й креще́ния бра́та свое́го, ниже́ исцеле́нием жены́ свое́я умягче́н б́ыв, в темни́цу вве́рже ты́ и, я́коже верхо́внаго Петро́, на крѣст осуди́. Ты́ же ю́зник сый, в темни́це мра́чней, я́ко во све́тлѣм хра́ме, бра́та анфи́патова́ Стратокли́са во епи́скупа Па́тром проро́чествовал еси́, Бо́гу со все́ми ве́рными посреде́ узи́лица воспева́я: Аллилу́иа.

Икос 11

На ме́сте ло́бнем крѣст воздви́заем узре́в, на не́мже имѣ́л еси́ распят бы́ти, не убо́ялся еси́, апо́столе, да́же до сме́рти свиде́тельствовати возлю́бльшаго ты́ и возлю́бленнаго тобою́ Христа́, и к сему́ зна́мению спасе́ния ру́це протира́я, умилѣ́нно взыва́л еси́:

Ра́дуйся, Крѣсте́ Всечестны́й, пред ни́мже с весе́лием предстою́, ве́дая ты́, упова́ние моѣ́;

ра́дуйся Крѣсте́ Животворя́щий, егóже глава́ до небѣ́с дости́же, подно́жие же врата́ а́да сокруши́.

Ра́дуйся, Крѣсте́ достопокланя́емый, воспри́емый Влады́ку моего́, я́ко грóздие сладча́йшее, источи́вшее на́м спасе́ние;

ра́дуйся Крѣсте́ благослове́нный, разбо́йника спасый́ и тому́ плоды́ испове́дания дарова́вый.

Ра́дуйся, я́ко и мое́я ра́дости исполне́ние бы́л еси́; — те́мже ра́дуйся и ты́, страстоте́рпче, на Крестѣ́ ве́ру твою́ во Христа́ запечатле́вый.

Ра́дуйся, Андре́е, апо́столе Христо́в Первозва́нный.

Конда́к 12

Прииди́те, свиде́телие ра́дости мое́я! — воззва́л еси́ апо́столе к соверши́телем во́ли Еге́ата, —

творіте волю наю обою, распніте мя и, яко агнца, принесіте в жéртву создавшему мя Творцú. — И сїя рéк, возшéл есї на крест, яко на гóрнюю кафédру, с неяже трї днї и трї нóщи проповéдал есї слóво Бóжие óкрест стоящим людем, да не боя́тся смéрти, исповéдающе Гóспода Иисúса. Егда же свéтом небéсным озарїся лїк тво́й, ужасéся мучїтель и тя со крестá взїа́ти повелé; обáче ты, страсотéрпче, не восхотéл есї от крестных мýк разрешїтися, до исхода твоегó непрестáнно Бóгу вопїя: Аллилúиа.

Икос 12

Слáвяще апóстольскїя пóдвиги тво́я, Андрéе Первозвáнне, ублажа́ем святúю кончїну твою́, ё́уже Живонóсную Стрáсть Сы́на Бóжїя прослáвил есї, и во умилéнии сéрдца зывáем тї сїце:

Рáдуйся, дру́же Христóв, с рáдостью крестная страдáния за Него́ претерпéвый;

рáдуйся апóстолу вéрный, со крестá глагóлы животá вéчнаго людем проповéдавый.

Рáдуйся, яко в чás сня́тия со крестá осенї ты свéт, áки мóлния с небесé;

рáдуйся яко правослáвно исповéдающим проповéданного тобо́ю Христá Сы́на Бóжїя обещáл есї благодáть вéлию.

Рáдуйся, Гóрняго Иерусали́ма апóстольское основáние;

рáдуйся седя́й со апóстолы на едїном от двоюна́десяте престóлов, во ё́же судїти вся́ колéна Израїлева.

Рáдуйся, Андрéе, апóстолу Христóв Первозвáнный.

Кондáк 13

О, Первозвáнный апóстолу Христóв Андрéе! Прїзри на благохвалéния сїя всéх чтúщих святúю пáмять твою́, и яко водрузїл есї крестное дрéво на гора́х гра́да Кїева, прїсно осеня́й и нáс спасїтельным знáмением сїм, да, Крестóм Гóспода Бóга и Спáса нáшего охраня́еми, достїгнем в мéру вóзраста исполнéния Христóва и сподóбимся с тобо́ю и со всéми святы́ми, во глáсе рáдования, в безконéчныя вéки пéти Бóгу, Спасїтелю нáшему: Аллилúиа.

Этот кондáк читается трїжды, затем їкос 1-й и кондáк 1-й.

Моли́тва

Первозвáнне апóстолу Бóга и Спáса нáшего Иисúса Христá, Цéркве послéдователю верховный, всехвáльне Андрéе! Слáвим и, велича́ем апóстольскїя труды́ тво́я, слáдце помїна́ем твоé благословéнное к нáм прїшэстvie, ублажа́ем честнáя страдáния тво́я, я́же за Христá претерпéл есї, лобыза́ем священны́я мóщи тво́я, чтїм святúю пáмять твою́ и вéруем, яко жїв Госпóдь, живá же и душá тво́я и с Нїм во вéки пребывáеши на небесї, идéже и любиши ны то́южде любóвию, ё́уже возлюбїл есї нáс, егда́ Дúхом Святы́м прозрél есї нáше, ё́же ко Христú обращéние, и не то́чию любиши, но и мóлиши о нáс Бóга, зря́ во Свéте Егó вся́ нúжды нáша. Тáко вéруем и тáко сїю́ вéру нáшу исповéдуем во хрáме, ї́же во їмя твоé, святы́й Андрéе, преслáвно создáся, идéже святы́я мóщи тво́я почивáют; вéрующе же, прóсим и мóлим Гóспода и Бóга и Спáса нáшего Иисúса Христá, да моли́твами тво́ими, я́же прїсно послу́шает и прїёмлет, пода́ст нáм вся́ потребная́ ко спасéнию нáс грéшных; да якоже ты́ áбие по глáсу Гóспода, оставль мрéжи сво́я, неуклóнно Емú послéдовал есї, сїце и кїйждо от нáс да їщет не своїх сї, но ё́же к созидáнию блїжняго и о гóрнем звáнии да помышля́ет. Имúще же ты́

предстателя и молитвенника о нас, уповаем, яко молитва твоя много может пред Господом и Спасителем нашим Иисусом Христом, Ему же подобает всякая слава, честь и поклонение со Отцем и Святым Духом во веки веков. Аминь.